

欽定古今圖書集成

方輿彙編職方典



欽定古今圖書集成方輿彙編職方典

第七百一卷目錄

松江府部彙考十三

松江府古蹟考一

職方典第七百一卷

松江府部彙考十三

松江府古蹟考一

府志

本府

華亭縣婁縣附郭

周公墩

郡城東南捍海塘外距金山不十里

當潮勢湧猛處蓋古人所築以防海也因周康

王築金山城得名大抵皆烽埃也

石獸 在府東嘗為變怪夜則環市而走遂斷

其一足

秦皇馳道 郡西北崑山南四里相傳有大岡路西通吳城即馳道也輿地志始皇東遊至會稽句章經此漢賈山至言秦皇馳道遍天下此蓋其一也按崑山南四里即古浦塘然則馳道即塘之岸也北又有秦皇走馬塘

鸚鵡洲 在海中金山下山北古海鹽州後淪

于海元末潮齧山北岸下瞰橋井猶鑿鑿有得

一碑曰鸚鵡洲界

白苧城 在縣南四十里高一丈周一萬步舊

經云地生野苧因名今俗呼白苧匯

吳王獵場 舊圖經云吳王獵所有五茸茸各

有名在華亭縣谷東又云陸遜生此子孫常所

游獵後人呼陸機茸今其地為桑陸今府城東

南皆獵場遺址也

三女岡 舊圖經縣東門八十里吳王葬三女

於此樞要云吳王葬妃於此未知孰是明行寺

記云寺近三女岡今南橋鎮北三里有高岡是

其處

古今圖書集成 一之二
烽樓 在亭林南寰宇記南帶海上有烽火樓
基吳時望海處今遺跡猶存

養魚池 唳鶴灘

石幢 在縣治前相傳地有湧泉云是海眼宋
大中祥符十三年立此鎮之

水陸池 在興聖寺池昔有龜數枚聞講經聲
則緣砌而上罷則復去後以其地爲堂谿書院
今池在院中

白燕菴 在賢游涇袁御史凱墓側里人以凱

有白燕詩築庵祀之遂以爲名

迴瀾臺 明馮御史恩築在雲間第一橋西

讀書堆 在亭林寶雲寺後卽顧野王修輿地
志處其高數丈橫亙數十畝林樾蒼然寺僧嘗
欲作亭其上以奉野王不果今半爲居民所侵

羅漢井 在南禪寺宋崇寧中僧普願於此得
住世羅漢像寺因以興故名水甘冽宜茶汲者
月朔投紙錢一陌明嘉靖僧竹菴浚而甃之

呂公樟 在本一庵宋有回先生過之手植樟

一本於雲堂後數年復來問章公安在無有知者時樟已枯瘁回取瓢中藥一丸瘞根下人亦不以屑意爾後樟復榮每葉皆有瓢痕人始悟呂仙也自是雲水往來必掇其葉昔有人患瘡穢甚僂行至橋上見道人枕二瓶睡告之以故曰無妨第隨我行至院中道人揖樹曰樟先生無恙耶謂患者曰汝但採葉浴瘡當平復耳是歲疫癘大作土人採葉煎服者立愈亂後亡安公像 公為僧泛海而死元時肉身猶存今

不知所在

黃耳塚 在城南二里餘旁有普寧尼寺守之俗訛黃泥寺述異記陸機少時好獵有家客獻快犬曰黃耳後機仕洛將以自隨犬黠慧解人意機嘗戲語曰家久無書汝能馳往否犬搖尾作聲以應之機為書盛以竹筒繫犬頸走向吳至家得書還向馳洛後死還葬其家村南二百步聚土為墳呼為黃耳塚劉貢父詩話又以黃耳為僕未知何據

龍井 在橫雲山有祭龍壇昔時禱雨處歲久井湮祠廢

皇清順治十七年夏大旱知府劉洪宗率僚屬步禱於此甘霖隨應乃捐俸浚治築白龍洞亭於其上以致祀焉

釣灘 在朱涇鎮唐船子和尚垂綸之地今為法忍寺

松澤西亭 船子和尚維舟咏歌處

瑞光井 在超果寺西廡下宋太平興國中僧

慶依奉錢王宮中觀音像來雲間艤舟李塔匯像舒祥光如虹經天下貫此井因名其後浚淤復覩金鰻之異邦人病者多汲飲焉其東一井尤甘冽或曰此真瑞光也

顧亭林 因野王居此得名寶雲寺址即其地也有宋唐詢詩

顧府君宅 在亭林鎮顧野王於此修輿地志時呼野王讀書堆北有湖湖南有林因呼顧亭湖亦曰顧亭林宅今為寶雲寺有沼深黑冬夏

不竭云野王墨池有古松云野土手植蓋附會
云相傳宅之故垣介一髹甕鏃云東七里西七
里祇在七七里厥後或識以爲庾語其在漆裏
竊之金也雲間賦云於南迫海野王之所人亡
而吾伊聲寂春歸而青深林莽金壁久瘞土頽
甲第胡爲七七之說而成他人之利正謂此
朱少師彥美宅 在府治後朱家巷致政後自
號機山閒人築燕超堂於圃中
柳侍郎約宅 在府治西北柳家巷

衛文節公宅 在府東南蕭塘今爲崇福寺相
傳鶴城書院西亦衛氏故宅普照續古錄云宋
建炎中寺災至衛宅輒牆始滅近歲居民於古
井得巨甑無數皆有衛仲英三字仲英膚敏之
子與文節從兄弟也

靜壽堂 衛宗武居張卽之書額

樂靜山房 衛仁復之居膚敏七世孫也

石都尉莊 在東泖宋江淮總督石都尉之賜
莊有石田飼鶴有石亭有石氏壠跡石總管廟

雲間洞天 錢參政良臣園在府治里仁坊至今指其坊猶稱錢家府云有東巖堂巫山十二峯桃花洞來禽渚流杯亭侈賜亭杏村橘塢雪窻明月灣諸佳致俱見方秋厓錢府百詠中後峯巖盡廢而居人往往於其地得山石尤奇知府稷山王衡輦置郡圃至今存焉按明一統志宋錢良臣參大政多訪江南奇花異卉古松怪石以營之其中美景佳致有如洞天故名今錢家巷其遺址也

東臯園 在今披雲門外張塔橋西北宋錢知監別業元時已廢

光風霽月亭 呂九山家

郭珙園 在堂子橋東顧志載城內馬街東北有養種園俗呼羊涇園有陳家園元至正間春時人猶多游宴於此施家園在施家匯元時已皆廢谷陽門外聽鶴亭西有秀野園通波門外有北花園西即採花涇北爲夜游涇亦並廢

樂善堂 趙宗文居

芳桂堂 在烏溪趙弘毅燕處其後古桂森列
名人多賦詠之子庭鸞集為數卷

晚風清亭 在華亭史氏家園米芾書額

真仁堂 陸和伯劑藥之所

光霽堂 任子文築

蘭谷堂 明張彬之居

竹泉堂 張桓所構

生意堂 郡士謝文彬居知府汪從善書額

五慶堂 蔡君美居君美綿竹人僑居於松五

世共聚一堂吳郡朱澤民作五慶圖柳貫為之
序

不礙雲山樓 張溪楊謙之居元楊維楨有記

滄洲一曲 邵文博治圃楊溪有綠陰軒流月

軒樂琴書處貝瓊為記

依綠堂 唐子益居其子景熙景道重葺

雙松堂 趙孟佃寓室

草堂 葉以清隱居

果育齋 孫華孫居

雪松巢 陸居仁便室

此山中 馬秀卿郊墅

復庵 盧子聰居

求志齋 陸仲覽居元仇遠有銘

秋圃 華亭陳仁別業

方壺 郡人衛德辰建明華亭鸞湖宋子正闢

室數楹亦名方壺

春草軒 別駕謝禮之居

定軒 趙彥同燕休之所

漪南草堂 在魚鱗涇上葉杞寓居貢師泰有

序元王逢題辭

白石窩 李介石居又有煮雪蒸甕等齋

古窩 陳珍居元楊維禎記

竹所 余有慶隱居

來德堂 呂良佐居元楊維禎有記

鐵硯齋 呂恂讀書處

五雲窩 呂希遠氏之居又有萬竹樓元霜臺

雙節堂 在璜溪明吳丕顯建又有四畱軒按

元季呂良佐練兵保障一方洪武初恐上疑之命其孫大本易吳姓潛避近里後歸五傳至不顯爲郡倅顯侄炯爲太僕云

寧儉堂 在城內悅安橋南吳炯居顧憲成記

清潤堂 在璜溪夏景淵氏之居

書聲齋 夏士文構以訓子處楊維楨記

芝蘭室 在盤龍岡錢全袞尚友之室黃潛記

漪瀾堂 亦夏士文之園亭也

水雲深處 在青林曹璜之居貝瓊記

謹節堂 華亭徐彥裕奉母之所

守約齋 在郡西北八里金桓之居

海鶴軒 蕭溪吳景原卽居第東偏構層軒養

鶴其中王蒙爲寫圖陶宗儀記

山舟 千山周氏子鏞鎬藏修之所

澄懷樓 柘湖章仁正得一古琴陰有澄懷字

遂取以名其樓錢惟善記之

映雪齋 孫道明之居番陽傅貴全有記

小蓬壺 楊維楨寓所樓名在百花潭上別有

柱頰樓草元閣皆爲東吳勝槩閣在迎仙橋西北崇禎癸未郡人李凌霍重修貝瓊有誌

雙壽堂 在舊涇周庠奉親之所嘗迎養京邸亦揭是名

雲窩 在城東張正宗講學授徒之所士從正學而躡青雲者相繼因名其居

丹桂樓 在南錢村廣東僉事王祐宅後有紅木樨數株因名傍有賓竹堂聽雨軒

貽穀堂 在秀野橋西北丁孟威居

三貞堂 在東門外明成化初旌表中書舍人張駿家爲三貞之門因以名堂三貞者駿母胡氏世母瞿氏楊氏也

曲村居 在下橫涇陝西參政吳行恕其孫河南參政忱皆生於此從村至亭林不十里舟行凡數十折因名

鳳山書屋 在府東朱應祥讀書處旁有點易臺洗心亭

瑞芝堂 在金山衛指揮西寧宅堂作於明成

化壬寅夏又明年甲辰夏芝生楣間時咸以爲瑞因名其堂

綠匯堂 在谷陽橋西南安知府張弼所築

須友酌春二堂 在坐化菴東張以誠居

遺善堂 顧文僖清居自記

東莊 在俞塘車墩東孫文簡承恩別業有讀

書堂叢桂亭吸月亭悠然亭聯璧池玉虹軒翠

雲屏雪香林諸勝

東臯雪堂 洞涇東孫克弘別業

東老堂 在普照寺側沈霽之居

徐太師宅 仙鶴觀西徐文貞階建內有章賜

堂御書樓西偏爲世經堂思道軒

三還堂 徐階舊居在城西南隅有湖瀦水階

嘗讀書其上故初號少湖

東園 蓬萊巷後徐元春別業

聽玉齋 在集仙街張之象居

狎鷗亭 在瑞鹿橋北李觀察日章吟憇之所

忠訓堂 董漕廳東馮廷尉恩居徐階有記

超然堂 馮時可讀書處

竹素園 在龍門寺旁馮大受構有園居自味

竹庭 華亭沈德輝別墅輝為上海掌籍吏刑

名多平反元至正間詔免木深長蕩租額鄰縣

抑者德輝伸之既而辨論於行省曰恩在普沾

省堂是之由是抑累者得蘇鄉人以是多德輝

樂琴書處 明學士沈度之室

小山招隱 在小橫山下孫稷之別業

東郊草堂 蔡君立隱居之所

梅月山房 魯郡士人王靜讀書教授之所

雪巢 在九峯西陸汝抗居

石湖一曲 吳益之居

雍睦堂 明吳文瑞文儀兄弟世居石湖讀書

燕樂觴詠於斯顏其堂曰雍睦

養浩樓 吳長史稷讀書之所王守仁題額又

有石湖精舍自得園俱在俞塘

改過齋 袁凱之居元楊維禎記

蘭雪陂 劉性初隱所明貝瓊記

凝翠軒 在亭林東姚叔瑜構以訓子宗武讀書之所

筆耕所 吳興錢鼐僑居處

閱耕軒 在橋南明陳士傑田居胡儼有記練子寧有銘

友竹軒 思親堂 俱陳祭酒詢所築有思

親堂自味

光節堂 在吉麗橋南任勉之宅楊文貞士奇贈以登科致仕恩榮始終八大字周文襄忱刻

石樹之堂下至今存焉其別室曰袖簡軒

四美堂 任勉之所構以忍讓守勤四字名之

採芝軒 朱秉中讀易之所

世濟堂 東城何鼎祥居七世良醫聞於吳下人以名其堂

終慕堂 在龜蛇廟左張璠自名其居寓思親也

卻金堂 張莊懿爲按察使時有持金餽其父端玉求出冤獄者峻拒不納有司遂以扁其堂

云

同善堂 在三里汀西學士錢溥宅

井梧軒 漕涇楊子亨之居

真率園 城東起雲橋側沈太僕愷所築有環

溪草堂清節軒鏡光池采詩樓萃景樓先春可

山浣花諸亭之勝自記

環溪西墅 在馬嶠寺西亦沈愷居

崇蘭館 在蓬萊巷東莫如忠居子是龍又有

石秀齋

陸尚書宅 沙家橋西陸文定樹聲建中為天

壽堂

適園 在北門內陸樹聲燕息之所

梅南草廬 在阮家巷陸彥植別業有濯錦窩

讀書樓

端諒堂 在周公祠東張承憲居

永福堂 在長生橋東王會建堂北為園池有

九霞閣

萬春亭 在登山主橋西王俞構中有五老峯

嘯園 在繡衣坊北范惟一居內有振文堂天遊閣

文園 在嘯園西朱大韶居陸樹聲曰客有善品題者謂朱司成園木石亭樹位置初設而規模意象大是閎傑其七言賈至早朝乎范太僕園花木深秀池館竹石蒨蔚幽麗使人坐嘯忘歸王摩詰驪山應制一作也而余園可當唐絕然寂寞短章直五言耳他日客有過太僕園者稱其幽篁怪石蒼鬱蒼翠澄湖傑閣其中掩映

多質任自然而雅有韶致其陶謝韋柳乎

竹溪別業 在黃泥漕西許福居其孫樂善於

旁構適志齋

南州草堂 在郊西瑤潭高士歸田時築

萊峯書屋 在本一院河南周思兼諷詠之所

傲園 在城南何良俊別業有四友齋

望洋樓 在城隍廟西何良俊居因舊業在海

上故以望洋為名

紫岡草堂 在北橋董宜陽居

元賞齋 董文敏其昌書畫之室

貞復堂 在十五保余采居

玉恩堂 在普照寺西林太僕景暘居後有翼

文閣高敞可眺九峯其上藏書數萬卷落成時

得李鄴侯端居室印遂構左室摹其文以顏之

玉蘭宇 在學士里林景暘別業陳道復書額

濯錦園 在北俞塘顧正誼別業有敞閒堂天

琅閣

樸菴 在府東倉橋巷顧正誼靜室

熙園 在城東積善橋左顧正心築

占星堂 在艾家橋東唐宗伯文獻之居

遺經室 在平政橋南陳仲山授經之所

寶華堂 在思鱸巷章憲文居內有陶白齋

芝園 在馬嶠寺西何三畏築有觀濠堂歌風

館陳繼儒有觀濠堂記

笏溪草堂 在谷陽橋南陸應陽高隱之居有

問雪齋

上海縣

陳朝檜 在靜安寺殿墀左右陸龜蒙皮日休
有重元寺雙檜詩卽此宋政和間朱勔畫圖以
進奉旨遣中使取之欲毀山門而出一夕風雨
震雷碎其一右者尚存葉夢得避暑錄以爲朱
冲畫旨取平江白樂天手植檜與華亭悟空禪
師塔前檜皆唐時故物按臨安志悟空塔亦有
雙檜東坡所謂當年雙檜似雙童者乃在鹽官
界石林蓋悞以靜安爲悟空也今寺已遷檜亡
久矣

古岡身 有三曰沙岡竹岡紫岡在府東七十
里南屬於海北抵松江長百里入土數尺皆螺
蚌殼世傳海中湧三浪而成其地高阜宜菽麥
吳郡圖經謂瀕海之地岡阜相屬謂之岡身此
天所以限滄溟而全吳人也

赤烏碑 在舊靜安寺吳赤烏中天竺康僧會
始入建業創寺曰建初華亭繼有重圓勒碑紀
事宋祥符間勅名靜安至嘉定中依師以址薄
江遷今處碑未及徙而水嚙沒之

湧泉 舊志云在靜安寺前晝夜騰沸甃井作亭曰應天湧泉亭廢井湮有沸井浜在滬瀆東西蘆浦中間一水相通特深如井其下二三尺氣稍溫今泉在寺內浜爲平陸矣

綠雲洞 靜安僧壽寧栖息之所檜竹桐柏環植廬外層陰疊翠落人衣帽遊者疑爲華陽小有之境趙孟頫扁以是名楊維禎爲志

丹鳳樓 在縣東北天妃宮宋咸淳八年建三山陳珩書額元楊維禎有詩後燬相傳樓未燬

前一日額忽墜地羽士置水中洗滌因而得存若有神護之者明萬曆間里人秦侍御嘉楫擴城樓仍置額其上復爲之記

皇清順治初邑人曹垂璨倡修後住水師營兵日就傾圮康熙二十二年知縣史彩捐俸重葺始煥然一新規模如舊

鶴坡 在下沙鎮此地出鶴俗又謂鶴巢按縣志世傳陸機養鶴處宋沈括云鶴唯鶴巢村所出爲得地他雖有亦凡格也

石筍灘 在下沙捍海塘外抵海三十餘里沙
汭中有石如筍者彌望潮汐悍激自建石筍其
流遂分本名分水港不知何代易以今名

萬柳堤 柳允中大父植萬柳於龍江堤上因
名今廢

文翬洲 在黃浦元末始生尋丈許延廣至數
十畝王逢攜里叟門生共登適鳴雉羣集因名
雲漢昭回之閣 在蘆子浦南宋淳熙十年端
明殿學士錢良臣建以藏宸翰其額係光宗在

東宮時書今碑存靜安寺閣廢

講經臺 在靜安寺宋嘉定間寺僧仲依築土
臺聚其徒講習於此遺址猶存

棲雲館 在闌水橋左李水部照祥居

雲錦樓 在縣治北下瞰蓮池費窳夏月飲賓
於此孫雄重修今廢

懷靜軒 在竹岡居延馬季子所剏其先世居
靜州天山以懷靜名示不忘本也

榆溪草堂 在浦東隱士陶中之居

百客堂 在下沙宋瞿氏宴饗嫺黨之室

琴軒 在上海元瞿霆發善鼓琴聚琴百張構

軒居之

尚彝齋 鶴砂朱聽作詩好奇楊維楨名其齋

以規之并系以銘曰木以繩而正弓以檄而柔

車以規而轉舟以窾而浮惟不彝也繩檄之在

規窾之繇惟淑德優而況乎翰墨之游

西郊野趣軒 在黃家闕黃銘建

歸鴈亭 費用和嘗畜雙白鴈及二雛於園池

元統間去而復還毛羽光潔足銀儼然而園亭

適成因以名之

世綵堂 吳會韓震父日升年近八十孫曾滿

前楊維楨為名其堂書之者翰林周伯琦也

古村居 曹迪隱所村以古松得名中有清槩

軒瓢樂山房寶古齋

錦溪茅屋 明曹賢構

最閒園 在烏涇鎮王逢在青龍移隱於此內

有藻德池懷湘坡樂意生香臺幽貞谷濯風所

臥雪窩流春石海曙巖

安分齋 朱晦翁書筆勢飛動楊培揭於鶴沙之居

筆議軒 彭汝器手評宋史之所

招鶴軒 在鶴陂薛倫僑寓時所築楊維禎題

額錢肅記

葵軒 在華漕朱佑宅

王氏讀書樓 在三十保梅源市王士衡居五世孫圻重修

春華堂 在上澳浦南黃瑾別墅金怡靜書額

曲水草堂 在黃浦南百曲港上姚蒙與其弟

臨隱居之所有別室曰海曙丹房俞寰有海曙丹房賦并序

勤織堂 鸞湖蔣惟中建

馬跡堂 在十六保顧望塘唐志大試時其祖

懽降靈於堂有馬跡之異因名子孫世居於此梅花堂 宋黃魯直書

秀野堂 宋文信國書張萱並揭於龍華里居

柱石塢 陸文裕深別業自記

後樂園 在黃浦東亦陸深之居

南溪草堂 在肇溪南顧英構元孫九錫重葺

玉泓館 顧從義別業得宣和紫玉泓硯因以

為名有舒嘯臺秋波亭曇花菴浴鶴溪諸勝

萬竹樓 在吳匯成廷珪僑居

西溪草堂 在吳匯戴彥文之居內有樗散軒

黃石園 在龍華里張所望別業巖岫林木最

為幽靜有寶穡堂交遠閣野藻亭諸勝今廢

豫園 在縣城內有奇石曰玉玲瓏因額其堂

曰玉華王世貞謂其秀潤透漏天巧宛然為隋

唐時物西闢樂壽堂其高造雲朱薨畫棟金碧

照耀又有涵碧閣留春窩玉茵閣頤晚樓會景

堂無不擅丹雘之美今盡廢

青浦縣

杏花村 在青龍鎮

拂雲亭 在青龍鎮治前監鎮魏大年造四面

植竹萬竿蒼翠扶疎游者疑為淇園渭水之境

云

駱駝墩 又呼落彈墩在斡山北

梁紇廟 在海隅鄉梁紇浦東

八角井 在張涇橋西俗傳陸氏外廚井也其

水通海歲旱投鐵簡其中云能致雨

五色泉 在西湖道院內相傳葛稚川鍊丹湖

上丹成投水後常湧五色泉府人士見者必擢

高第時又舒光如赤虹貫天

沈光碑 在勝果寺宋元祐初有鬼顯異於寺

僧自稱有漢烈士沈光書迹數十字刻石許尚
謂之鬼書

升仙臺 在隆福寺前按續仙傳王可交初居

松江南後入四明不出初無上升事或傳爲王

淡交淡交不事繩檢能爲詩語多滑稽大似傲

世者然江上有感行石刻云王可交仙壇則或

說又未然也今遺迹具存

綾錦墩 在盤龍塘上錢全袞種桑之所

孔宅 在海隅鄉慧日院側院僧疏廟隩渠得

寶玉六事璧三環二簪一舊圖經云孔子未嘗適吳以闕里譜系考之孔子二十二代孫潛後漢太子少傅避地會稽遂爲郡人二十九代孫滔梁海鹽令三十二代孫嗣哲隋吳郡主簿三十四代孫禎隋蘇州長史豈孔氏子孫有僑寓宦游於吳而遂居華亭者耶廟側又有梁紇廟其爲子孫奉祀之地明矣所瘞璧簪珮之屬其孔堂之遺寶得非子孫葬所遺衣冠寶璧於是地乎旁有宰我墩顏淵井此則因孔宅之名而

遷合附會未可知也宅後侵於慧日院今在孔宅涇北夫子廟在涇南相去頗遠梁紇廟去益遠疑後人改作元至正間里人張弼建講院以集鄉俊之來學者後廟貌剝落基址蒿萊萬曆丙午陸應陽錢大復恢建俞汝楫陸濟賢贊成之內有子之燕居堂董其昌爲之贊并書額

皇清順治戊子青浦知縣王麟重修以六十六代孫興德奉祀圖經云晉鄒湛亦嘗居焉又云鄒孔宅攷鄒湛傳南陽新野人湛嘗見一人自稱甄

舒仲乃悟曰吾宅西有積土敗瓦其中必有死人檢之果然厚加殮葬顧志謂傳中初不言宅在何地湛未嘗仕至吳中姑存此以傳疑按鄒當是鄒字指梁紇爲鄒人故云鄒孔後人見湛宅有甄舒仲事謬附於此陳志遂引此載入游寓又云捨宅爲慧日院愈以滋疑矣夫云鄒湛豈得加孔氏上乎按縣志元章彌構廢陸應陽重建陳功修葺朱天英黃廷瑞成文昌閣燕居堂方正范甃墓文學共祀啓聖宮

陸遜宅 吳地記云漢廬江太守陸康與袁術有隙使從孫遜與其少子績還吳居於長谷元和郡國志華亭谷在縣西三十五里故遜封華亭侯陸抗宅在其側吳地記又云陸機有贈從兄車騎疇詩髣髴谷水陽婉變崑山陰卽其地也

陸機宅 在崑山下平原村別宅在谷陽門內今普照寺相傳爲陸氏園亭按縣志機詩髣髴谷水陽婉變崑山陰谷水在邑三泖內則宅亦

屬青浦信矣建康亦有陸機宅李太白集云齊
朝南苑是陸機宅按吳徙都建康機雲分領父
兵爲牙門將軍得非居建康而華亭乃其里第
耶有陸機懷土賦宋唐詢王安石許尚沈遼詩
陸瑁宅 在養魚池上按縣志在瑁湖上

陸錡宅 在錡湖上

袁崧宅 舊經昔袁崧居此因名按晉史崧陳
郡陽夏人隆安四年爲吳郡太守嘗築滬瀆壘
以禦孫恩明年遇害或者崧歿後其子孫遂居

此乎今其地里曰崧子水曰崧塘皆其遺迹也

顧謙宅 在府西北崧子里

章棗宅 在青龍鎮棗監華亭鹽寓於此築思
堂以居子孫家焉

歸來堂 章元澤辭祿奉母之所楊維禎有記
水心亭 在青龍章顏燕處之所二子弼輔猶
揭所志之句曰表裏澄清如此水行藏端正在
吾心

醉眠亭 在青龍江上李行中築蘇軾爲之銘

居竹堂 曹和甫即其祖樂靜堂之地植竹千竿重飾園廬以居竹扁其書堂方回為記趙孟頫書刻石今在華亭縣學

安雅齋 元曹慶孫於居之西偏築此藏修柯九思有記其子宗儒講學之室曰愛日齋

厚堂 曹知白居有池臺苑囿之勝虞集為之記按青浦縣志在小蒸有古齋土山峯石甚佳取者輒得禍故尚存一二黃潛有記邵亨貞有五日厚堂分韻詩

古齋 亦知白居元黃潛有記

東園 西園 明曹炳葺其先灋東之地

為之

玩芳亭 朱熙家園

皆夢軒 陳亨道居

林軸軒 張賓暘讀書之所取謝元暉之詩以

名按縣志在祥澤里

綠吉亭 在祥澤里盧祥種橘處楊維楨有記

芸閣 在崧宅處士顧友實隱居藏書數千卷

倪瓚為之圖

素節亭 江浙行省幕府任豫齋居

萬卷軒 在青龍鎮莊肅聚書之所

積善堂 祥澤張氏所居

三味軒 張麒娛侍之所以菰米蓴菜鱸魚三

味奉親故名別有水亭曰靜鑑楊維楨有記

西疇草堂 夏頤貞居

知樂亭 邵桂子養魚池上按縣志介大小蒸

間

翡翠碧雲樓 在杜村宋杜衍九世孫元芳建

以其高出林表故名中貯書萬卷下有蒼崖碧

灣竹深荷靜晴好雨奇諸軒齋凡七十二所別

業在東南雲林池島尤勝

嘉秀軒 杜嗣榮之居在潢泖上

蓮巢 在青龍陳氏燕息之所

瑤芳亭 在鳳凰山費氏建趙孟頫書額

環綠亭

總宜吟所 按縣志在谷水上

一枝安 在貞溪明經錢南金居其門人曹幼文所築

太元亭 在瑁湖上徐獻忠之居

梧溪精舍 在青龍江上江陰王逢避地之所逢大母徐夫人嘗手植雙梧於故里橫河之上故以是名其居示不忘也中有羅月山房冥鴻亭小草軒皆自爲記

來青覽暉二樓 青龍任氏延賓之所按明一統志元都水監任仁發建有楊維楨詩

陳徵君宅 在惠燈菴橋西北陳繼儒居按縣志在佘山旁有董氏東山草堂徐氏西佘草堂來仙堂陳氏蟠仙堂

世桂堂 在洞涇西元李寬中浙魁子萱中永樂鄉試郡守黃子威表其坊爲世桂因以名堂陳文東書扁

知止堂 義門夏世澤居趙孟頫書額

時春堂 在橫溪朱柯居趙孟頫書額

澱山草堂 李紫篲隱居

南村草堂 在泗涇陶宗儀耕讀之所杜待制
書額邵亨貞李孝光張翥皆有記袁凱有詩宗
儀自有南村十咏

晚翠軒 在金澤章文煥居

世慶堂 在廣富林曹廷獻所建其子時中重
修

西園 曹時中別業內有宜晚堂

薌林 在小萊徐九齡居元楊維禎有記按縣
志在三十五保

一峯小隱 在柳家巷黃公望隱所今爲福泉
庵

瓢湖小隱 在澱湖東坳塘之上謝士安隱處
樂全堂 元華亭黃宗武同子璋築在泖濱有
虞集記歐陽元詩

小桃源 泖西陳衡園亭堂曰清暉樓曰明遠

小蘇賦 蘇西時 蘇西時 蘇西時
蘇西時 蘇西時 蘇西時 蘇西時

欽定古今圖書集成方輿彙編職方典

第七百二卷目錄

松江府部彙考十四

松江府古蹟考二 墳墓附

古今圖書集成
職方典第七百二卷
松江府部彙考十四
松江府古蹟考二
墳墓附
本府
華亭縣婁縣附郭

職方典第七百二卷

松江府部彙考十四

松江府古蹟考二 墳墓附

府志

本府 華亭縣婁縣附郭

漢廬江太守陸康墓 在府西北二十里

吳丞相江陵昭侯陸遜墓 在府城西北二十

三里

選曹尚書陸瑁墓 去府三十二里

大司馬荊州牧江陵侯陸抗墓 在府城西北

二十三里

左丞相嘉興侯陸凱墓 去府三十二里蘇志

云凱墓在長洲縣鳳凰山

會稽南部都尉陸宏墓 去府四十里蘇志云

在平門西北

長水校尉陸叡墓 去府十九里

征北將軍海鹽侯陸禕墓 在府城西北崑山

之頂按墓碑字元容吳郡吳人

晉左光祿大夫江陵穆公陸曠墓 去府四十

四里

後將軍司馬西陽亭侯陸監墓 在府城西北

十九里

安吉太守陸景文墓 去府三里

唐黃州司馬陸元感墓 在崑山有墓志銘

宋張澄墓 澄號斗山先世留侯裔扈宋南渡

徙居華亭之砂蕩里即今十五保三區五圖斗

山邃易學負奇抱陳策政府弭寇減稅海鄉至

今賴之歿葬所居巽隅子孫七世附焉贈兵部

主事熊應卽南安守弼之父弼自爲記

鄉貢進士謝國光墓 在五保胥浦鄉墓有安

節亭宇文公諒記

元三教遺逸趙孟倜墓 在府城本一院

貞素先生曹知白墓 在干山貢師泰志銘

三高士墓 在干山三高士楊維楨陸居仁錢

惟善也宋濂作維楨墓志銘按志作於明洪武

三年正統五年巡撫侍郎周忱始刻石樹之府

學講堂西夾室萬曆甲申華亭知縣陳秉誥封

土修墓立三高士碑於其上

邵氏世墓 在秋涇里墓有敬思亭

府學訓導胡存道墓 在學明倫堂後

處士殷澄墓 在婁縣胥浦鄉澄號殷佛子卒

年七十七子四人曰實曰厚曰誠曰諲孫男五

尚質尚節尚白尚功尚賢曾孫八陞奎璧堂塾

塾堅堅楊維楨碑銘

處士邵天驥墓 在璜溪同安村

義士呂良佐墓 在瀝瀆之北原楊維楨銘

鎮守松江萬戶府李將軍墓 在西林塔院之

左洞涇李氏之始祖

明國子祭酒陳詢墓 在瑤涇顧清銘子順德

通判軌附

鄉貢進士李萱墓 在府城北荷祥涇任勉之

誌銘門人錢溥表

懷遠將軍署都指揮僉事侯端墓 在秦山之

麓郁文博表

御史袁凱墓 在東門外賢游涇萬曆三十一

年知府許維新立碣

太醫院使徐樞墓 在干山之西子院判彪世

孫太學生益孫附樞有御賜宮人陳氏內監袁

亨陳福并葬墓側

貴州叅政沈壽墓 在泗涇新浜吳稷銘

山西布政使孫豫墓 在下橫涇報德懺院後

四川布政使王公亮墓 在柘林堡陳詢誌銘

兵部主事陸友仁墓 在白沙村

貞靖處士李年墓 在洞涇

翰林院編修楊琪墓 在干山與三高士墓相近
蕭山魏驥銘

贈左軍都督追封宣城伯衛炳墓 在府城內
北禪寺右神道碑南陽李賢撰

淮府紀善贈太子太保刑部尚書張璠墓 在
城南龜蛇廟側成化七年賜葬神道碑安成彭
時撰

都察院右副都御史唐珣墓 在府城北荷祥
涇弘治九年賜葬洛陽劉健銘

山東右布政使夏寅墓 在白龍潭北

翰林院修撰錢福墓 在府東三里華陽橋太

原喬宇銘

安遠知縣李寬墓 在泗涇磚橋周家浜南昌

胡儼志銘

封御史張能墓 在府治東二里泗涇河西子

河南按察司副使祚附淳安商輅銘

漢陽知縣百歲翁周泰墓 在楊涇橋南

三御史墓 在北門外五里有周紹節請封三

御史墓啓

南安府學訓導姚鵬墓 在三十七保呂蕩廟

顧清銘孫蒙附

義烏訓導封長沙府知府李寔墓 在呂岡涇

徐階銘

禮部郎中唐禎墓 在金匯塘鉛山費宏志銘

禮部郎中孟羽正墓 在朱方橋仲子養大附

贈徵仕郎中書舍人包志墓 在十一保漕涇

西

順寧府通判顧承慶墓 在濯錦港聶慎行銘

家祠丙舍僧守曹勳題額永嗣禪居

御史孟陽墓 在華亭鄉錢溥銘

贈少師大學士徐黼墓 在景家堰西會稽董

玘志銘

四川布政使沈恩墓 在長涇

江西巡撫都御史胡岳墓 徐階志銘

南京工部郎中宋臣墓 在滄涇王良佐銘

貴州巡撫都御史張鶚翼墓

御史包孝墓 在車墩沈愷志銘

大理寺丞馮恩墓 在古浦塘徐階銘子通判

旌表孝子行可附陸樹聲銘

翰林院孔目何良俊墓

浙江叅政顧中孚墓 在金家灣張仲謙志銘

御史徐宗魯墓 在秀野橋沈愷志銘

太僕寺卿沈愷墓 在北城壕上徐階銘從子

太學生紹文附京山李維禎銘

禮科右給事中張承憲墓 在天馬山東南之

平原徐階志銘

給事中贈光祿少卿楊允繩墓 在葉謝河西

太子太保禮部尚書文定陸樹聲墓 在北城

壕之北萬曆三十三年賜葬于南京刑部右侍

郎彥章附

學訓朱珙墓 在柘林新城外徐獻忠有記

河南叅政姚體信墓 在五保

湖廣副使龔愷墓 在禦溪之東陸樹聲志銘

浙江按察司經歷張之象墓 在望湖涇莫如

忠銘子雲門孫齊顏曾孫寶臣蓋臣俱附

吏科給事中夏時正墓 在古浦塘陸樹聲志

銘

應天府推官贈兩浙運使陸應寅墓 在城北

二里涇子贈廣東按察司副使從遠附

江西右叅政陸萬鍾墓 在禮塔匯東錢村

陸萬言墓 在廬山北

贈福建左布政張士毅墓 在城北二里涇

南京太常寺卿張明正墓 在柳港吳涇太倉

王錫爵銘

浙江布政使莫如忠墓 在御史涇

貞靜先生陳仲山墓 在官紹塘錫山顧憲成

銘子善終身廬焉

鄭州學正魏應元墓

刑部江西司主事徐三重墓 在三保

邵武府知府彭應麟墓 在浦南龍溪徐階銘

都察院右僉都御史陸樹德墓 在秀州塘太

倉王世貞銘

都事唐濱墓 在前福浜

贈左庶子唐敷錫墓 在八保金家灣

禮部侍郎贈尚書文恪唐文獻墓 在二里涇

龍興橋北萬曆三十三年賜葬太倉王錫爵銘

中憲大夫漳州知府曹銑墓 在干溪張涇東

莫如忠銘子太學沆荊州府通判蕃附

南京兵部侍郎蔡汝賢墓 在望湖涇萬曆間

賜葬唐文獻銘

南京太僕寺卿林景暘墓 在柳涇西長洲申

時行志銘

雲南叅政宋堯武墓 在巨漕東陸樹聲銘

贈中大夫大理寺少卿宋堯俞墓 在瑤涇馮

時可銘子懋澄附

封南京工部尚書杜宗翹墓 在白廟港西陸

彥章銘

南京通政使司許樂善墓 在呂岡涇

河南布政司都事包林芳墓 在漕涇西卽父

御史第有雲間雙鳳坊

河南按察司副使王明時墓 在八保二區十
二圖孫工部都水司員外郎鍾彥附
太常寺卿贈太子太傅左都督徐元春墓 在
白洋灘

工部虞衡司主事章憲文墓 在五保胥浦鄉
蓬萊知縣贈文淵閣大學士錢大復墓 在斜
塘

漢陽知府孫克弘墓 在秀林山
右諭德張以誠墓 在朱橋鎮東南

編修高承祚墓 在三十九保七圖秀水馮夢
禎銘

贈禮部侍郎張煦墓 在龜蛇廟南

封奉政大夫大理寺左丞李益亨墓 在郡東
八保白米墩張鼎志銘

建寧府知府王善繼墓 在金家灣陸彥章銘
吏部文選司員外贈太常寺卿夏嘉遇墓 在

八保二區十三圖崇禎元年賜葬
贈承德郎江西袁州府通判謝愷墓 吉水鄒

元標銘

贈奉直大夫孝子張以訥墓 在七保松隱

張大綸墓 在泗涇之新涇錫山馬世奇銘

處士喬士琰墓 自撰方塚生志

封御史馮懋韜墓 在三十九保

上杭知縣贈太僕寺少卿陳正中墓

深州知州贈太僕寺少卿孫士美墓

福建按察使杜喬林墓 在壓薦浜

大學士前松江知府方岳貢墓 在掘撻涇

上海縣尹劉輝母孔夫人墓 在干山

張烈婦陳氏墓 在天馬山墓碣董其昌書

上海縣

宋詩人儲泳墓 在縣東南長人鄉

元兩浙都轉運鹽使瞿霆發墓 在下沙鎮有

墓志略并銘

孝子徐誠墓 在長人鄉貝瓊志

明秦裕伯墓 在淡井廟北

戶部侍郎顧彧墓 在寧慶寺旁

孝子顧文敏墓 在縣西門內圓明庵旁

上海縣知縣杜鎰墓 在縣西今名杜家灣鎰

在任十八年卒遂葬於此

錢塘知縣葉宗行墓 在莘莊春申橋之南

順天府尹吳玘墓 在府東六磊塘弘治三年

賜葬仲子棗強知縣鳳鳴附

都察院右副都御史唐瑜墓 在周涇之北弘

治九年賜葬長沙李東陽銘

工部侍郎談倫墓 在鶴坡里吳縣王鏊銘

大理寺卿王霽墓 在陸家浜南弘治十年賜

葬洛陽劉健銘按霽與母楊太夫人兩墓

江西參議蔣性中墓 在鸞竇湖

湖廣參議張萱墓 在高昌鄉曹湖涇孫承恩

銘長洲王寵書

臨安知府蔣霆墓 在洋涇陸深銘

湖廣參議張毅墓 在北關外顧清銘子王府

長史抑孫東昌教授懋寅附

廣南知府致仕顧英墓 在郁家宅東陸深銘

南京禮部尚書文僖顧清墓 在塘橋嘉靖九年賜葬孫承恩銘

詹事府詹事文裕陸深墓 在黃浦東二十四

保嘉靖二十三年賜葬子贈中憲大夫石阡府

知府楫孫中憲大夫石阡府知府郊附

陸從高墓 在莘莊

禮部左侍郎贈工部尚書張電墓 在淡井里

嘉靖三十五年賜葬

江西參議儲昱墓 在三林莊唐錦志銘

福州知府朱豹墓 在斜橋西南子太學生察

卿附

江西副使唐錦墓 在周涇崑山朱希周銘

四川參政戴邦正墓 在望海塘朱大韶志銘

封雲南道御史董嘉相墓 在語兒涇北匯上

刑部左侍郎錢士貴墓 在浦東坍石橋海螺

港內

湖廣副使張鳴鳳墓 在龍華

光祿寺少卿顧從禮墓 在赤日港北

封南京工部侍郎董體仁墓 在望海塘萬曆三年賜祭葬

磁州學正張瑞墓 在沙岡口子紀善兆達附都察院左都御史恭定潘恩墓 在陳涇萬曆

十一年賜葬長子湖廣提學副使允哲附四川布政使司右布政潘允端墓 申時行志

銘 南京工部郎中龔情墓 在語兒涇

臨江府推官俞琳墓 在莘莊廟涇之南

禮部郎中何良傅墓 在南沙岡海月菴西

尚寶司司丞董子儀墓 在南俞塘

詹事府主簿顧九錫墓 在龍華姚涇子晉附

秀水黃洪憲表

通政司右通政趙灼墓 在五里橋徐階志銘

恩州府知府蔡懋昭墓 在周浦塘

山東僉事俞汝為墓 在龍華寺之西長洲文

震孟銘

陝西參議王圻墓 在三十保東沙洪九曲口

湖廣布政使右參政李伯春墓 在浦南竹岡

東陸樹聲銘

福建參政侯堯封墓 在二十三保圓沙涇子

孔詔孫吏科給事中震陽附

南京太僕寺少卿陳所蘊墓 在高昌里

山東右布政張所望墓 在龍華開化門人汪

慶百志銘

贈太子太保大學士徐緒墓 在肇家浜南

贈太子太保大學士徐思誠墓 在陸家浜北

太保禮部尚書文淵閣大學士諡文定徐光啓

墓 在二十八保徐家灣崇禎七年賜葬

青浦縣

唐朝散郎貝州宗城縣令顧謙墓 在縣東北

亭鄉崧子里有墓志銘

宋贈太子少保朱承進墓 在佘山普照院西

按朱氏家譜承進本汴人五代時避地吳越三

遷至華亭積德行善生子六人皆訓以儒術族

遂以大迄宋亡仕宦不絕墓地乃林秀才業少

保與奕勝而得之仍以五十千酬其值歿因葬焉舊志以爲孫諤墓按譜諤賜葬平江陽抱山與蘇志合當以爲正承進墓至今猶存上有垂絲柏一株甚鉅

尚書朱端常墓 在橫雲山

將仕郎揚州助教衛公佐墓 在佘山

進士詹奕墓 在佘山

南京禮部侍郎董傳策墓 在新河徐階銘

樂靜先生曹澤之墓 在小蒸方回銘

樞幹杜九成墓 在杜村正獻公五世孫也孫青龍直學可久曾孫容州教授英發並附英發墓楊維楨銘

直殿將軍姚世榮墓 在橫山之麓世榮汴人扈宋南渡而葬于松子孫遂家焉

元鎮國上將軍福建宣慰使榮敏費察墓 在鳳凰山陸寶原子平江等處運糧萬戶拱辰孫世萬戶雄並附

山齋衛謙墓 在佘山子德嘉附楊維楨銘

悅道處士陸怡墓 在佘山

義士夏椿墓 在細林山有墓志略并銘

夏世澤墓 在集賢鄉學士虞集志銘

蘭溪知州飛騎尉武義縣男章夢賢墓 在崧

宅里有墓志略并銘

浙東宣慰副使任仁發墓 在駱駝墩即今青

浦新江鄉按明一統志在青龍江上

湖廣等處泉貨少監陳勇墓 在青龍南

禮部主事俞允墓 在佘山騎龍堰

朱柯墓 在橫溪貢師泰銘

祥澤張通墓 在通波塘上有通波阡表子顯

孫俊咸附

松江府學訓導王文澤墓 在橫雲山

錢塘錢大有墓 在佘山慧日院大有錢袞父

也按通志有碣題曰錢氏祐之墓

處士顧友實墓 在崧宅里東北陶蕩浜南墓

碣陸深書

周之翰墓 在神山西邵亭貞銘

姚氏墓 在佘山之陰姚本汴人徙於杭至有
元海鹽學諭仁榮者少孤贅華亭彭氏因家焉
子碩字實甫於延祐甲寅春抵越訪得曾祖承
宣日起葬所并祖保義銘之骼函由是悉遷佘
山之陰元統初考妣歿遂附藏云

明華亭縣儒學教諭曹宗儒墓 在集賢鄉橫
雲原陶宗儀銘

國子監司業孫作墓 在漢成里平港村

孝子金子安墓 在會仙浦西

松江府學訓導邵亨貞墓 在佘山邵氏世墓

在泖濱至亨貞遷此歿因葬焉

戶部侍郎贈太子太保僖敏王鍾墓 在佘山

洪熙元年賜葬

鄞州同知李塾墓 在佘山之陰子禮部尚書

知興化府至剛孫陝西叅政源曾孫汀州知府

桓並附至剛墓廬陵楊士奇表源墓碑南陽李

賢撰按李塾台州人父象賢始爲松江訓導因

占籍焉至剛舉明經仕至少保禮部尚書兼翰

林院學士知制誥出為興化知府卒於官

靜鑑張麒墓 在余山西北陳璧銘

解州判官陳璧墓 在余山西北張麒墓右壁

字文東書法在三宋上能詩洪武中以秀才舉

苦節先生沈易墓 在薛山西麓有墓表子翰

林學士度大理少卿粲孫禮部員外藻附世孫

鳳毛墓在其東

戶部員外張實賜墓 在鳳凰山楊士奇銘

朱祐之墓 在余山東麓

養素先生任繼祖墓 在盤龍塘之馬駝港子
福建叅政勉之曾孫長史順附勉之墓錢溥銘
順墓顧清銘

順天府丞朱孔易墓 在余山正德十年賜葬

安福李時勉銘

太常寺卿夏衡墓 在四十保彭家莊成化四

年賜葬南陽李賢表

翰林院編修周輿墓 在余山孫承恩志銘子

刑部郎中佩附

南京吏部尚書贈太子少保文通錢溥墓 在
余山弘治二年賜葬東海徐溥銘

四川按察使錢博墓 在余山夏時正銘

南安知府張弼墓 在鳳凰山黃巖謝鐸銘子

廣西副使弘宜戶科都給事中弘至孫建陽知
縣其協光祿寺署丞其棕曾孫封修撰德璨俱
附

南京兵部尚書贈太子太保莊懿張瑩墓 在

盤龍塘長沙李東陽銘

江西左布政使葉萱墓 在四十三保尤墩南

賢村張悅表

奉議大夫雲南僉事曹鼎墓 在傅家浜曹時

中表孫兵部武選司主事嗣榮附徐獻忠銘

大理寺卿朱奎墓 在余山弘治十年賜葬神

道碑三山林瀚撰

南京兵部尚書贈太子太保莊簡張悅墓 在

盤龍塘十字廟南弘治十六年賜葬曹時中銘

浙江按察司副使致仕曹時中墓 在薛山莆

田林俊表

沈怡素墓 在五十保三區以匠籍徙宛平會
孫弘道重修

朝列大夫紹興府同知陶永淳墓 在彭家莊

信陽何景明志銘

通議大夫南京刑部右侍郎徐陟墓 在四十

一保鶴塘涇萬曆十二年賜葬莫如忠銘

江西副使過璘墓 在盤龍塘顧清志銘

封文林郎濟南府推官李正墓 在盤龍塘子

御史人龍鴻臚寺序班人麟附

兵部郎中王昶墓 在通波塘有壙志略

封兵部郎中俞明時墓 在浦口小橫潦涇

禮部主事陸從大墓 在淞塘

兩浙運使陸從平墓 在蟠龍塘

諭德楊繼禮墓 在四十一保橫潦涇

南京吏部考功主事陸彥禎墓 在廣富林八

曲港

思恩府知府錢師周墓 在橫雲山之後

封工部郎中周雲鶴子提學副使思兼墓 在
蔡成涇雙阡表子高士紹元紹節附葬西阡
雲南副使楊道亨墓 在修竹鄉
福建僉事金定墓 在唐行五十保北俞塘
臨江府同知贈都察院僉都御史楊樞墓 在
任淇浜徐階銘子湖廣巡撫豫孫附
贈福建左布政張宗義墓 在城南黃耳祠後
南京兵部郎中張明化墓 在尤墩里咸寧門
人趙邦柱銘

王府長史袁福徵墓 在佘山之陰
高士陸郊墓 在孔宅西子應陽附長洲申用
懋志銘

常山知縣唐之屏墓 在佘山東麓昭慶寺之
西烏程沈灌志銘

紹興府推官何三畏墓 在鳳凰山之陽
贈中書舍人姜思學墓 在大橫潦涇北
浙江右布政使張爾嘉墓 在佘山
徵君陳繼儒墓 在東佘山

工部屯田司主事陳所聞墓 在廣富林

處士董傳紀墓 在東佘山張爾嘉銘

汀州府學教授王端墓 在城東鹽鐵塘西呂

港淳安門人商輅志

旌表節婦姚氏墓 在鳳凰山舉人張德瑜之

妻

楊烈女墓 在澱山普光王寺側華亭知縣鄭

友元立傳

古墓存疑 按以下係古墓考之未確故附於後

孔子衣冠墓 在郡北六十里海隅鄉慧日院

側

漢潁川太守陸閔墓 在華亭西北四十里雲

間舊志稱潁川太守宏按宏績長子閔乃宏八

世祖顧志改稱南部都尉聞之先輩云職銜不

誤乃閔宏音同而誤也

吳平原內史陸機墓 陸廣徵吳地記云華亭

地名雲間水名谷水有陸遜陸瑁陸機墓俱在

西北二十五里橫山中又青浦縣治北三十里

有高丘舊呼陸丞相墓明嘉靖間土人時見墓上有一金蛇後盜發其冢得金簡一狹而長墓中古器甚多後聞於官悉治命封其塋地意士衡遇害於洛還葬雲間

太常劉陽侯潘濬墓 在郡西北二十里按吳志濬字承明武陵漢壽人孫權拜爲輔軍中郎將遷奮威將軍封劉陽侯遷太常赤烏二年薨笮融墓 在郡東北四十里今北亭鄉有笮墓涇旁有高隴按吳志融丹陽人徐州牧陶謙使

督廣陵運漕曹操攻謙融將男女百口走廣陵而不言其終且與潘皆別郡人不知何自葬此

大將軍宛陵侯諸葛瑾墓 在塌石橋西明天

啓壬戌鄉民陳廷宇樵於蒿棘之地以所擔杖

插於地之隙處隨下入鏗然有聲拾之不可得

掘而下瞰黑窅茫茫燭以火中多窈曠遂發視

有碑碣知爲諸葛瑾墓鄉民急碎之始末無從

攷按史傳瑾之卒應在公安未知何以葬此

晉左將軍袁崧墓 在上海長人鄉按崧築滬

瀆禦孫恩為賊所害麾下士李祥突白刃收骸歸葬陸廣微吳地記云在橫山二里當是蘇州之橫山也

唐蔡侍郎墓 在柘林方廣寺側按方廣寺記侍郎捨宅為寺有石幢題云唐咸通六年蔡贊造去父母塋九十步去壽塋一十六步三代皆當世文儒貞元唐德宗也咸通懿宗也貞元已有蔡侍郎祠不應咸通始為壽塋意侍郎之子孫乎

顏氏墓 在小蒸有古井皆顏魯公石刻梅樹一株蓋數百年物也

黃池縣令朱氏墓 在孔宅西南天寶間葬

宋錢文惠公良臣墓 在靜安寺東舊傳盤龍

塘普門寺側一古塚為錢參政墓後為里人張雕盜發有志石乃參政妹惠淨封孺人生一男五女破棺無穢氣顏色如生冠服亦不朽腐

衛文節涇墓 舊傳玉屏山之麓有衛狀元墓

按崑山志云墓在縣東南石浦鎮又按福堂記

云葬湖州之歸安與葉文莊衛族攷合蓋歸安亦有一玉屏山也

都官陳舜俞墓 在白牛村按舜俞嘗棄官居秀州之白牛村復出貶死湖志又云墓在蘇灣錢王墓 在坐化庵西初有一古塚傍水長松五六株相傳為錢鏐王墓也按錢武肅王敕葬於安國縣錦衣鄉茅山之原今臨安是也此必錢氏子孫居華亭者誤以為王墓耳
曹王墳 在小蒸其港即以曹墳名

丘府君墓 在昌唐鄉今名仙山

都水監護軍豫章桓敏羅璧墓 顧志云在華

亭按程鉅夫神道碑壁字仲玉以明威將軍管

軍總管鎮金山居四年海盜屏跡徙上海督造

海艘再月而畢明年朝廷議轉江南之粟以實

京師下其事行省璧獨以海道便部漕舟率先

道海自楊村入不數十日至京師賜金虎符進

懷遠大將軍管軍萬戶兼管海道運糧後治水

邳徐間訖功求免益堅復命與河南省何平章

修兩淮屯田二年秋得疾還至維揚趨鎮江以
九月十日薨葬丹徒縣長樂鄉太山之原
天放老臣吳公墓 在干山三高墓前時代無
攷
何執中墓 在四十一保濮陽王墓前顏氏居
後有一古井其泉甘美故號甘泉中有執中墨
刻遺跡故相傳以為即執中墓
隰州司倉支令問妻曹夫人墓 按法雲寺記
在顧亭林南烽樓之側

燕胄妻朱氏墓 在華亭舊城西一里修竹鄉

唐咸通八年葬宋于酒務得碑

五代丞相潘葛妻李夫人墓 在郡南四十里

潘店北杏涇之左有華表石柱石獸石碑碑旁

鐫天漢四年葬五字

宋林妃墓 舊傳駱駝墩為宋理宗林妃葬此

即今青浦新江鄉

朱氏二夫人墓 在莘莊南土人稱為小娘墳

者被盜開墻見大鐵索懸一柩得銅鏡金玉有

石供臺金鑪餅盒皆金錯成文墓碣題朱氏二
夫人之墓

